

## SESELEH PANGAWIGUNAAN BASA *BLACKBERRY MESSAGE* (BBM) YOWANA RING BR. DUSUN SALA, DESA ABUAN, KECAMATAN SUSUT, KAB. BANGLI

Ni luh Umi Astarty<sup>1</sup>, Ida Bagus Rai<sup>1</sup>, I Gede Nurjaya<sup>2</sup>

Jurusan Pendidikan Bahasa Bali, Fakultas Bahasa dan Seni  
Universitas Pendidikan Ganesha

Singaraja, Indonesia

e-mail: [fumiastary@gmail.com](mailto:fumiastary@gmail.com), [ibrai\\_cangapit@yahoo.com](mailto:ibrai_cangapit@yahoo.com),  
[@undiksha.ac.id](mailto:gedenurjaya@gmail.com)

### KUUB

Tetilikan puniki matetujon nlatarang indik (1) Sapunapi wangun krana *BBM*, yowana ring Br. Dusun Sala, Desa Abuan, Kecamatan Susut, Kab. Bangli. (2) Sapunapi wangun lengkara *BBM*, yowana ring Br. Dusun Sala, Desa Abuan, Kecamatan Susut, Kab. Bangli, miwah (3) Sapunapi ejaan basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli. Palihan tetilikan sane kaanggen ring tetilikan puniki inggih punika *deskriptif kualitatif*. Jejering ring tetilikan puniki inggih punika *BBM*, yowana ring Br. Dusun Sala, Desa Abuan, Kecamatan Susut, Kab. Bangli. Panandang ring tetilikan puniki inggih punika Pangawigunaan basa. Kramaning tetilikan sane kaanggen nganggen kalih kramaning inggih punika kramaning observasi miwah kramaning *dokumentasi*. Piranti tetilik sane kaanggen inggih punika *kartu data*. Data tureksa sane kaanggen inggih punika *identifikasi data*, *reduksi data*, nyorohang data lan panyutetan. Manut saking *analisis data*, (1) wangun krana sane wenten ring *BBM* punika polih wewehan pengater lan pengiring, miwah wenten paubahan basa *afaeresis*, *apokop*, miwah *sinkop*. (2) wangun lengkara sane kaangen ring *BBM* inggih punika lengkara, pamidarta, lengkara pitaken, miwah lengkara panguduh. (3) ejaan basa Bali ring *BBM* wenten sasuratan lengkara sane lengkaranyane singkat tur nenten nganggen ceciren pitaken.

**Kruna jejaton:** pangawigunaan basa, *BBM*.

### Abstrak

Penelitian ini bertujuan mendeskripsikan (1) Struktur kata yang ada dalam *BBM*, remaja di Br. Dusun Sala, Desa Abuan, Kecamatan Susut, Kab. Bangli, (2) Struktur kalimat apa saja yang ada dalam *BBM*, remaja di Br. Dusun Sala, Desa Abuan, Kecamatan Susut, Kab. Bangli, (3) Seperti apa penggunaan ejaan bahasa *BBM*, remaja di Br. Dusun Sala, Desa Abuan, Kecamatan Susut, Kab. Bangli. Rancangan penelitian yang digunakan dalam penelitian ini adalah deskriptif kualitatif. Subjek dalam penelitian ini adalah *BBM*, yowana ring Br. Dusun Sala, Desa Abuan, Kecamatan Susut, Kab. Bangli. Objek dalam penelitian ini adalah penggunaan bahasa. Penelitian ini menggunakan 2 metode penelitian yaitu metode observasi dan metode dokumentasi Analisis data yang digunakan adalah identifikasi data, reduksi data, klasifikasi data dan kesimpulan. Menurut analisis data, (1) Struktur kata yang ada dalam *BBM* adalah terdapat imbuhan awalan dan

akhirannya, terdapat perubahan bahasa seperti, afaeresis, apokop, miwah sinkop. (2) Struktur kalimat yang di gunakan dalam BBM adalah terdapat kalimat pernyataan, kalimat tanya, dan kalimat. (3) Penggunaan ejaan bahasa BBM seperti terdapat tulisan dalam kalimat yang kata tersebut di tulis singkat dan juga tidak menggunakan tanda Tanya saat penulisan kalimat Tanya.

**Kata kunci:** penggunaan bahasa, blackberry messenger (BBM)

## PURWAKA

Basa inggih punika silih sinunggil piranti sane pinih utama kaangen jadma ring sajeroning mabebaosan *lisan* lan *sasuratan* ring kauripan sarahina – rahina sareng anak lianan. Basa kabaosang piranti ring sajeroning mebebaosan santukan basa punika maguna pisan dados titi penyambung para krama ring pakraman. Manusa prasida nyihnyang basa dados piranti penyambung ring sajeroning guna cita (*alam pikiran*), budhi daya, tata susila lan ngarumaketang paiketan peturu jadma. Yening ring kauripan puniki nenten wenten basa pastika jadma nenten mrasidayang rumaket tur asah, asih lan asuh ritatkala nyalanang hidup ring jagate. Indonesia silih sinunggil Negara sane madue *beragam* Suku miwah Basa, sinih sinunggil nyane Basa Bali sane madue undagan. Undagan basa Bali punika kasungguh Anggah – ungguhing basa Bali utawi sor singgih basa Bali, punika sampun lumrah tur ketah kaangen minayang basa kasar lan basa alus ritatkala mabebaosan olih krama Bali, tur basa Bali punika pinaka basa ibu sane kaangen ring wewidangan Bali pinaka piranti sane kaangen mabebaosan sareng kaluwarga lan ring krama Desa Sane pinaka cihna budaya Bali sane pinih utama.

Yening kapedasang saking akeh panuturnyane, basa Bali prasida kabaosang pinaka basa sane akeh kanggen olih krama panutur, inggih punika katuturang olih kirang langkung

telung yuta panutur. Kacingakin malih ring widangan kesenian, basa Bali madue kawigunan sane mabuat pisan inggih punika pinaka titi pangancan nguningayang pakayunan krama sane seneng makesenian Bali. Kesenian Bali sane nganggen basa inggih punika sakadi kesenian ring wewidangan drama gong, arja, topeng lan janger, basa sane manggen ring pulo Bali puniki kasungguh basa ibu pertiwi, santukan ring Bali basa Bali sampun kaangen saking dumun tur sane pinih utama basa Bali puniki basa sane ajeng kanggen ring kaluwarga. Nanging yening kacingak ring kauripan mangkin kaluwarga sane wenten ring kota, kawentenan basa ibu punika arang kaangen lan sayan magingsir santukan kacingak manut aab sekadi mangkin, ring kaluwarga ritatkala mabebaosan punika akehan nganggen basa Indonesia lan kacingak ring sekolahan, para yowana ring *pergaulan* mabebaosan sareng sawitra lan gurunnyane punika nganggen basa Indonesia.

Ring Aab sekadi mangkin akehan para yowana sane lek mabebaosan nganggen basa Bali, yening sane ketah kasambatang olih para yowana nganggen basa Bali punika katrok. Nenten ring pergaulan para yowana kemanten sane nganggen basa Bali punika durung prasida becik, nanging yening kacingak ring Desa pakraman, ritatkala sangkep para krama desane sekadi kelian adat sane mabebaosan durung waged nganggen basa Bali

sawireh para jadmā sane lingsir sampun sinamian mabebaosan nganggen bahasa Indonesia, nika mawinan yening sangkep utawi peparuman desa basa akehan sane kantun nganggen basa sane mecampuh. Napi malih yening selehin ring *pergaulan* para yowana mangkin, akeh basa sane macampuh sareng basa lianan. Napi malih Aab mangkin sampun keni pengaruh *globalisasi* akeh pisan wenten wewidangan para yowana jagi magenduwirasa sareng sawitrannyane piranti – piranti sane kaangen punika sakadi HP, HP inggih punika piranti sajeroning ngametuang informasi saking jadmā lianan, ring HP wenten *Aplikasi – aplikasi* sane kanggen mangda prasida ngamolihang informasi, *aplikasi* punika sakadi *aplikasi SMS, BBM, Line, Whatsapp, Messenger* miwah piranti anggen *berkomunikasi* sane lianan. Ring aab mangkin *Aplikasi* sane akeh kaangen olih jadmā ritatkala ngerereh informasi inggih punika *BBM*, silih sinunggil aplikasi sane pateh kawigunan nyane sakadi *SMS*, inggih punika *BBM*, aplikasi punika prasida kanggen ngirim gambar, ngamolihang informasi, ngicen informasi majeng ring sawitra lan kaluarga saking genah sane maejohan. Melianan sareng *BBM, SMS* inggih punika *singkatan* saking kruna *short message servis, istilah short message servis* yeing kasingkat dados *SMS*, akronim *SMS* sane dados *singkatan /akronim resmi* ring basa Indonesia. Lianan punika *BBM* prasida kaanggen magenduwirasa sareng sawitra, para yowana maosang nika kawastanin chat, utawi chatingan. Yening dumunan *BBM* wantah wenten ring *HP* merek *Blackberry* mangkin sampun prasida kaaangen olih *HP* merek sane masoroh Android utawi iOS.

Yening malih selehin ring *pergaulan* para yowana Bali puniki, pastika prasida kacingak ritatkala yowana mebebaosan sareng sawitra punika nganggen basa sane nenten jangkep, basa yowana

punika nenten manut ring ejaan basa sane sapatut. Sakadi sane akeh kacingak ring para yowana ritatkala *SMS*an utawi *BBM*an, yowana nenten uning sajeroning artos ring basa bali, pastika nganggen kruna basa Indonesia. Imba saking basa sane kacampuhin lan pacang madue artos melianan, sakadi lengkara "aku lek li", "de na keto", "aing nyak yang!!", "ento sbe dtwu pejang mlu", "aruh tnden ad", "ddi mse jani kemu", "nh knggone dtwu", "sing nglah", "sbb luh, bli mare teke, kje itni luh?", miwah sane lianan. pangawigunan basa sakadi punika nenten manut ring sasuratan sareng pangucapan nyane, sane pepes kanggen nenten ja ngamanutin EYD basa sane pinih becik.

Yening selehin saking kawigunan basa soang – soang jadmā nganggen basa punika pastika pacang melianan, santukan pangawigunan basa ring soang – soang jadmā nenten samian prasida becik lan wenten keni pengaruh dialek – dialek, utawi basa ring *lingkungan* jadmā punika magenah, yening kacingakin saking sisi krama sane nganggen basa punika, basa – basa sane macampuh punika prasida katerima ring masyarakat utawi ring *pergaulan* para yowana, yadiastun basa punika nenten nganutin EYD basa sane becik. Lianan punika akeh pisan basa – basa baru sane katrima ring masyarakat ngawinang wenten paobahan ring basa, sane ngawinang sakadi punika santukan ring pangawigunan basa nenten jadmā bajang kemanten sane nganggen basa nanging jadmā alit miwah jadmā kolok pastika nganggen basa, soang – soang jadmā puniki sampun madue *versi* nyane ritatkala pacang ngawigunang basa punika. Malarapan antuk sane katlatarang ring ajeng, panilik meled nglaksanayang tetilikan sane mapaiketan sareng pangawigunan basa ring *BBM*. Malarapan antuk punika panilik meled nilikin tetilikan sane mamurda Seseleh Pangawigunaan Basa *BBM* Yowana Ring Br. Dusun Sala,

Desa Abuan, Kecamatan.Susut, Kab.Bangli.

Manut dadalan pikobet ring ajeng, bantang pikobet ring tetilik puniki inggih punika (1) Sapunapi wangun kruna *BBM*, yowana ring Br. Dusun Sala, Desa Abuan, Kecamatan Susut, Kab. Bangli? (2) Sapunapi wangun lengkara *BBM*, yowana ring Br. Dusun Sala, Desa Abuan, Kecamatan Susut, Kab. Bangli? (3) Sapunapi ejaan *BBM*, yowana ring Br. Dusun Sala, Desa Abuan, Kecamatan Susut, Kab. Bangli?

Tatujon tetilik puniki inggih punika (1) Mangda prasida uning sapunapi wangun basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli. (2) Mangda prasida uning sapunapi wangun lengkara *BBM*, yowana ring Br. Dusun Sala, Desa Abuan, Kecamatan Susut, Kab. Bangli. (3) Mangda prasida uning sapunapi ejaan basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli. Kawigunan tetilik kaepah dados kalih inggih punika kawigunan *Teoritis* lan kawigunan *praktis*. Sepat siku-siku sane jagi kaanggen puniki sampun panureksa utsahayang nganutin kalih kreteria sane wenten inggih punika prinsip *kemuktahiran* lan prinsip *relevansi* (wendra, 2012: 31), sepat siku – siku sane kaanggen dasar tetilik minakadi: 1) Basa Bali, 2) Krama basa, 3) kawigunan basa, 4) *Linguistik*, 5) *Morfologi*, 6) *Sintaksis*, 7) *Sosiolinguistik*, 8) *Semantik*, 9) Kosabasa, 10) Ejaan Bahasa Bali, 11) Tata basa.

### KRAMANING TETILIKAN

Tetilikan puniki kalaksanayang nganggen palihan tetilikan *deskriptif kualitatif*. Sukardi (2003) maosang indik tetilikan *deskriptif* ketahnyane kalaksanayang manut tetujonnyane inggih punika ngambarang manut pidabdab kasujatian (*fakta*) lan cihna subjek utawi objek sane katilik manut

pidabdab sane patut. Jejering ring tetilikan puniki inggih punika *BBM*, yowana ring Br. Dusun Sala, Desa Abuan, Kecamatan Susut, Kab. Bangli. Panandang ring tetilikan puniki inggih punika Pangawigunaan basa, tetilikan puniki taler nganggen kramaning tetilik inggih punika kramaning *observasi* miwah Kramaning *dokumentasi*. Ring tetilikan puniki, kanggen piranti mupulang data sane marupa *dokumentasi*. Pamargi sane pacang kabaosang ring kramaning tetilikan luripun: (1) palihan tetilik, (2) jejering lan panandang tetilik, (3) mupulang *data*, (4) piranti tetilik, miwah (5) *data* tureksa.

### PIKOLIH LAN TETEPASAN

Pikolih miwah Tetepasan sajeroning tetilik puniki kapolihang saking tiga bantang pikobet inggih punika (1) wangun basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli, (2) wangun lengkara *BBM*, yowana ring Br. Dusun Sala, Desa Abuan, Kecamatan Susut, Kab. Bangli, miwah (3) ejaan basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli.

Data sane kapolihang saking ngamargiang tetilikan puniki kasurat dumun ring *kartu data*, sadurung kasurat ring *kartu data*, data sane kapolihang puniki nganggen kramaning *dokumentasi*. Saking kramaning *dokumentasi* kapolihang data indik wangun kruna, wangun lengkara *BBM*, yowana ring Br. Dusun Sala, Desa Abuan, Kecamatan Susut, Kab. Bangli, lan ejaan basa sane kanggen ring *BBM*.

Pikolih kapertama indik wangun basa *BBM*, yowana ring Br. Dusun Sala,

Desa Abuan, Kecamatan Susut, Kab. Bangli. Tetepasan indik wangun basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli. Kapalih dados kalih inggih punika manut wentuk kruna *kompleks* miwah manut Paubahan basa. Manut wentuk kruna *kompleks* kruna puniki sampun polih wewehan sakadi wewehan pengater, pengiring, miwah pengater pengirin, data kruna *kompleks* sane kapolihang ring screenshot chatting *BBM* akehnyane 90 data Lengkara. Kruna sane polih pengater ring data screenshot chatting *BBM* inggih punika 4 kruna sane polih pengater Ng, 3 kruna sane polih pengater Ma, 2 kruna sane polih pengater Ny, 2 kruna sane polih pengater Ke, miwah 4 kruna sane polih pengater Di, Kruna sane polih pengiring wenten 13 kruna sane polih wewehan pengiring Ne, miwah wenten 6 kruna sane polih wewehan pangater Di, Ng, miwah Nya lan pengiring Ne, Ang miwah In.

Selanturnyane, Manut Paubahan basa kruna – krunane punika dados kasorohang dados paubahan *Afaeresis*, *Apokop*, miwah *Sinkop*. Data paubahan basa sane kapolihang ring screenshot chatting *BBM* marupa 16 kruna Paubahan *Afaeresis*, 4 kruna Paubahan *Apokop*, 25 Paubahan *Sinkop*. Manut paubahan basa sane kapolihang punika wenten kruna rasa sane maobah suratan nyane dados Asane, tusing dados sing, aing, neked maobah dados ked, suba maobah dados bo, dija dados ija, mbok dados mb, tepuk tpuk, konden dados knden.

Pikolih Tetepasan kaping kalih inggih punika ngenenin indik wangun lengkara sane wenten ring *BBM* yowana ring Br. Dusun Sala, Desa Abuan, Kecamatan Susut, Kab. Bangli. Kasorohang dados tigang soroh, inggih punika lengkara pamidarta, lengkara pitaken, miwah lengkara panguduh

(Antara: 31). Sasuratan lengkara iriki akeh pisan nganggen kruna sane singkat tur nenten manut sakadi sasuratan sane patut ring EYD. Imbanyane sakadi Lengkara pamidarta sane wenten ring *BBM* punika sakadi “kalo pedidi 1,6 asane hehe”, “ajak cowok mb e mayah 1,2 jt per org”, “ade kq spanduk ne,, govinda English course”, “Ye bli dangin to ngoyong”. Lengkara pitaken “Bayar per bulan ap sekali bayar”, “pi mebletbet ae”, “Oh nah was kija to ladne luh’. Lengkara panguduh “dajan lampu lalin ane daje to dek,, mule kauh”, “mai ajak ke bareng”, “Adi ing bbm bli adinen”.

Pikolih tetepasan sane kaping untat inggih punika ngenenin indik Ejaan sane wenten ring *BBM* yowana ring Br. Dusun Sala, Desa Abuan, Kecamatan Susut, Kab. Bangli, puniki kasorohang dados 2 inggih punika *Penulisan* kruna ring lengkara, miwah *penulisan* ceciren pitaken. Pikolih data Nyurat kruna, miwah *penulisan* ceciren pitaken. ring *Penulisan* kruna akeh wenten sasuratan sane nenyen manut ring ejaan basa, minakadi nyurat lengkara “ada kok spanduk ne, govinda English course” nanging ring chatting *BBM* kasurat “ade kq spanduk ne,, govinda English course”, “mai ajake bareng” kasurat “mai ajak ke bareng”, “adi tusing tepuk nah” kasurat “adi ing tpuk nah”. Ring *penulisan* ceciren pitaken akeh penilik ngamolihang kruna – kruna sane kasurat ring lengkara nenten manut sakadi ejaan basa, tur akeh lengkara pitaken kasurat nenten kadagingin ceciren pitaken sane becik. Minakadi “bayar per bulan? ap sekali bayar?” kasurat “bayar per bulan ap sekali bayar”, “Iluh ija jani ne?” kasurat “Iluh ija jani ne”, “Nyen jk nang mebalih kemanuk?” kasurat “Nyn jk nang mebalih kemanuk”. Manut ring (lindasari : 2012) *faktor* sane ngawinang basa ring *BBM* punika singkat tur akeh wenten paubahan basa inggih punika warna basa utawi *ragam* basa. sakadi

wenten warna basa ring *BBM* sane singkat tur nganutin saking warna basa manut penutur utawi sang sane nganggen basa punika. Pangawigunan basa sakadi punika polih iusan saking palemahan, piranti (*elektronik*) sakadi *TV*, "*media cetak*". Lianan punika basa sane wenten ring *BBM* santai, simple, nenten *monoton* tur *efektif*. Kangawigunan basa sane singkat sakadi punika pacang ngiusin ring basa sasuratan sane patut tur becik sane nganutin EYD bahasa Bali, para yowana pacang kiul ring sajeroning ngewacen wacana sane dawa, iwang ring penarka artos kruna utawi lengkara, parikrama sane kaicenin durung prasida katerima.

### PAMUPUT

1. Wangun kruna *BBM*, yowana ring Br. Dusun Sala, Desa Abuan, Kecamatan Susut, Kab. Bangli kasorohang dados kalih, inggih punika manut wentuk kruna *kompleks*, manut *gejala bahasa* miwah paubahan basa. Pikolih data dasar kruna utawi *pokok* kruna miwah manut paubahan basa, data wangun kruna punika kaambil saking 90 lengkara sane wenten ring screenshot *chatting BBM*.
  - a. Manut wangun *morfologi* inggih punika wangun Wentuk dasar kruna utawi *pokok* kruna, sane wenten ring *BBM*, wenten kawentuk saking kruna dasar sane kruna nyane punika ngamolihang wewehan, sakadi pengater, pengiring, miwah wenten kruna sane polih *gabungan* pengater miwah pengiring.
  - b. Manut kosabasa basa Bali, Wangun kruna *BBM*, wenten paubahan basa, sakadi paubahan, *Apokop*, *Afaeresis*, *Epentesi*, miwah *Metatesis*.
2. Wangun lengkara *BBM*, yowana ring Br. Dusun Sala, Desa Abuan, Kecamatan Susut, Kab. Bangli, ring lengkara punika kawentuk olih tigang soroh, inggih punika lengkara

pamidarta, lengkara pitaken, miwah lengkara panguduh.

3. Ejaan Basa *BBM*, yowana ring Br. Dusun Sala, Desa Abuan, Kecamatan Susut, Kab. Bangli, puniki akeh sane nenten ngamanutin ejaan basa, akehan kruna sane sasuratannyane nenten manut, sakadi sesuratan kruna lingga (*Kata* dasar), kruna *penegas*, miwah pangawigunan ceciren pitaken (?) .

Malarapan antuk pikolih penilik lan tetepasan ngenenin piteket sakadi asapuniki.

1. Majeng ring yowana prasida nganggen basa nganutin ejaan basa Bali sane pinih becik, tur ka arepang sumangdane prasida ngajegang miwah ngelestariang basa Bali.
2. Majeng penilik sane lianan prasida ngembangang miwah nadosang tetilikan puniki refrensi antuk tetilikan selanturnyane.

### KAPUSTAKAAN

- Arikunto, Suharsimi. 1998. Metode Penelitian Pendidikan (Pendekatan kuantitatif Kualitatif dan R & B) Bandung: Alfabeta
- ..... 2006. *Prosedur Penelitian suatu Pendekatan Praktik*. Jakarta: Rineka Cipta.
- Bawanti, Luh Krisya. 2015. "*Analisis Penggunaan Bahasa Dalam Iklan Rokok SAMPOERNA A-MILD*". Skripsi (tidak diterbitkan). Undiksha Singaraja.
- Chaer, Abdul dan Leonic Agustina. 2010. *Sosiolinguistik Perkenalan Awal*. Jakarta; Rineka Cipta
- Dinas Pengajaran Daerah Tingkat 1 Bali. 1993. *Kamus Bali-Indonesia*. Denpasar: Dinas Pengajaran Daerah Tingkat 1 Bali.
- ..... 1996. *Kamus Indonesia-Bali*. Denpasar: Dinas Pengajaran Daerah Tingkat 1 Bali.

- Dewi, Putu Wiwin Meliana. 2015. "Pergunaan Bahasa Indonesia Masyarakat Buleleng Pada Acara Suara Buleleng Di Radio Singaraja FM Tinjauan Aspek Struktur Diksi". Skripsi (tidak diterbitkan). Undiksha Singaraja.
- Nababan. 1991. *Sosiolinguistik Suatu Pengantar*. Jakarta: PT Gramedia Pustaka Utama.
- Pateda, Mansoer. 1991. *Linguistik Terapan*. Ende - Flores: Nusa Indah.
- Sudjana, H. D. 2003. *Manajemen Program Pendidikan untuk Pendidikan Sekolah dan Pengembangannya*. Bandung : Falah Production.
- Sugiyono. 2006. *Metode Penelitian Kuantitatif dan Kualitatif*. Bandung: Alfabeta.
- ..... 2013. *Metode Penelitian Pendidikan Kuantitatif, Kualitatif, dan R&D*. Bandung: Alfabeta.
- Sumarsono, 2007. *Sosiolinguistik*. Yogyakarta. Pustaka Pelajar.
- Sukardi, PH. D. 2003. *Metodologi Penelitian Pendidikan*. Jakarta: PT Bumi Aksara.
- Tinggen, I Nengah. 1987. *Sor Singgih Basa Bali*. Eka Cipta Singaraja.
- Universitas Pendidikan Ganesha. 2009. *Pedoman Penulisan Skripsi dan Tugas Akhir*. Singaraja: Universitas Pendidikan Ganesha.
- Wendra, I Wayan. 2012. *Buku Ajar Penulisan Karya Ilmiah*. Singaraja: Universitas Pendidikan Ganesha.